

Mazarin
2581

Ode Royal Et Pacifique Dediee Av Roy...

**RARE BOOK
COLLECTION**



**THE LIBRARY OF THE
UNIVERSITY OF
NORTH CAROLINA
AT
CHAPEL HILL**

Mazarin
2581

UNIVERSITY OF N.C. AT CHAPEL HILL



00023007997

81
ODE ROYAL
ET PACIFIQUE
DEDIEE
A V R O Y
ET A
MONSEIGNEVR
LE DVC
D'ANIOV.



A PARIS,
Chez CLAYDE MORLOT, rue de la Bucherie,
aux vieilles Estuues.

M. DC. XLIX.

ODE ROYAL

ET PACIFIQUE

DE DIEU


FAVOR

A

MONSIEUR LE ROI

EDUC

ET ALI



Collection of the
Bibliothèque de la
Maison de la Reine
à Paris
N° 1000



ODE ROYALE ET PACIFIQUE

*dediée au Roy, & à Monseigneur le Duc
d'Anjou.*

FRance reprenons nos delices
Nos Crataires & nos Vlisses,
Retournent la paix dans Paris
Ces demy-Dieux les Fauoris,
Du Ciel, de la terre, & de l'onde
Sortent d'une grotte profonde,
Cette Nymphé dont la splendeur
A tant d'appas & tant d'ardeur,
Qu'elle captiue les personnes
Dignes des plus grandes Couronnes,
Quand les Anges du Parlement
Ont voulu glorieusement
Retourner cette belle Nymphé,
Dans Paris pour son paranymphe
Ils dressent vn char triomphant
Faißt des trompes de l'Elephant,
Couuert de belles pierreries
Et de mille fleurs de prairies
Ce char porte à chaque costé
Pour marque de sa Majesté,
La figure d'un vieil Satyre
Formée d'or & du Porphyre,

Il a pour ses fermes pilliers
La sagesse des Conseillers
Du Palais d'Estat & du Louure
Et l'auguste dais qui le couure,
Est tissu de soye d'azur
Chargé des fleurs de lys d'or pur,
En ses quatre coings sont les palmes
Que dans le milieu des allarmes,
Nos Generaux ont moissonné,
Après il est enuironné
D'une ceinture bien plus leste.
Que celle de l'Iris celeste,
Quatre gros monstres abbatus
Sous les pieds des quatre vertus
Que nous appellons Cardinales,
Sont ses roues Imperiales
Six puissants Lions attelez
Qui sont superbement voilez,
D'un drap de pourpre & d'oriflame
Qui leur sert comme d'une esclame,
Afin de conseruer leur crain
Dans la fatigue de ce train,
Son cocher est tout magnifique
En vn mot il est Angelique,
Puisque c'est l'Ange saint Michel
Qui dans cet illustre appareil
Conduit la paix dans cette Ville,
Qui tuë la guerre ciuile,

Auecque ce grand appareil
Son visage comme vn Soleil,
Resioiuit nos corps & nos ames
Par ses douces brillantes flâmes,
Son chef d'où pendent ses cheueux
Où plustost des rets amoureux,
Est couronné d'vn diadème
D'vn prix & d'vn esclat extrême,
Les trois graces dessus son frond
Qu'elles ont faict en demy rond,
Reposent comme dans vn temple
Ou leur beauté paroist plus ample
Que non pas celle de cypris,
Et par qui les plus grands esprits
Sont rendus captifs sans contrainte,
Estans touchez de son atteinte,
Dessus ses sourcils mille amours
Ont estably leurs doux sejours,
De ses yeux naissent des lumieres
Qui nous font voir que ses paupieres
Sont du filet d'or precieux,
Que dis-je des rayons des Cieux,
Son nez que l'art de la nature
A faict d'vne iuste mesure,
Charme nos sens par son odeur,
Qui nous fait voir que sa grandeur
Merite vne gloire immortelle,
Et que chacun par vn grand zele

Est tenu de luy rendre honneur
 Comme à la Reyne du bon-heur,
 Les roses qui sont sur sa joue
 Sont des astres que l'on y cloüe
 A dessein de la faire aymer,
 Et pour mieux nostre cœur charmer,
 Le corail de sa douce bouche
 Attireroit le plus farouche,
 Luy faisant son ire appaiser
 Tant seulement par vn baiser,
 Dans sa main la paix porte vn sceptre
 Qui rend la guerre comme vn spectre,
 Et la plonge au fonds d'un cercueil
 Avec la tristesse & le dueil,
 Sa façon est majestueuse,
 Son tein vermeil & cristalin
 Sa robbe est tissüe de lin,
 Et d'une trame pretieuse
 D'or, de diamants & des saphyrs
 Et du charmant air des zephyrs,
 Ses souliers sont fait d'une estoppe,
 Dont iamais aucun philosophe
 Ne pût inuenter le secret
 Sans doute ils sont faits par decret,
 De la matiere des doux astres
 Afin de chasser les defastres,
 Et reestabli la fermeté
 Du bien de la felicité,

Dans nostre florissant Empire
Ainsi que chacun le desire,
En ce triomphant appareil
L'auguste paix comme vn Soleil,
Se promene parmy les ruës
Ou l'on ne voit que des recruës
D'hommes & des femmes aussi,
Dont le seul zele & le soucy
Est de crier à gorge ouuerte
Viue la paix de qui la perte
Nous causoit tant de desplaisir,
Maintenant nostre seul desir
Est de reuoir le ieune Roy
Qui nous faict viure souz sa loy,
Reuenez donc ieune Monarque
Dans Paris comme ie vous marque,
Auec Monsieur le Duc d'Anjou
Vostre frere qui souz son jou,
Doit mettre le croissant de Grece,
Reuenez donc avec vitesse
Grād Roy, grād Duc nos deux amours
Venez donc à nostre secours,
Le peuple n'a point d'autre enuie
Que de crier toute sa vie
Viue le Roy, viue le Roy
Qui nous vient deliurer d'esmoy,
Viue le Duc d'Anjou son frere
Qui mettra fin à la misere,

Grand Roy, grand Duc, nos deux supports,
 Venez entendre les accorts,
 Doux & charmants de la musique,
 Et du peuple tres-pacifique,
 Nos cœurs eslancent des souspirs
 Pour vous tesmoigner les desirs,
 que nous auons de voir encore
 Vos deux visages que l'aurore,
 Admire & contemple au matin
 Ayant honte que vostre tein
 Surpasse le sien en merite,
 Ce doux souuenir nous excite
 A dresser mille vœux és Cieux
 Pour pouuoir occuper nos yeux,
 De bien regarder vos deux faces
 Et d'acquérir vos bonnes graces.

F I N.

